



Alþingi  
Kristjana Benediktsdóttir  
v/Austurvöll  
150 REYKJAVÍK

Reykjavík, 15. ágúst 2017.

**Efni: Tillaga til þingsályktunar um mótun eigendastefnu ríkisins fyrir bújarðir, 414. mál.**

*Tilv. 2017080005*

Bændasamtök Íslands fengu senda tillögu til þingsályktunar um mótun eigendastefnu ríkisins fyrir bújarðir þann 15. júní sl. Frestur til að senda inn umsagnir var veittur til og með 15. ágúst.

Bændasamtökin hafa farið yfir efni tillögunnar. Samtökin fagna umræðu um mótun eigendastefnu ríkisins fyrir bújarðir og leggja um leið áherslu á mikilvægi þess að hinar dreifðu byggðir landsins verði styrktar með aðgerðum og stefnumótun til lengri tíma lítið. Afar áriðandi sé að hafist verði handa við endurskoðun til að bregðast við miklum breytingum á landnotkun í dreifbýli síðustu ár.

Í áðurnefndri tillögu kemur fram að flutningsmenn hennar telji eðlilegt að haft verði samráð við t.d. Bændasamtök Íslands við mótun stefnunnar. Samtökin taka undir það og telja raunar nauðsynlegt slíkt samráð verði tryggt. Að auki vísa samtökin til (12.) ályktunar Búnaðarþings árið 2016 um nýtingu jarðeigna ríkisins. Lagt var til að núverandi verklag og reglur um ráðstöfun jarða í eigu ríkis og kirkju yrði endurskoðað með það að markmiði að tryggja búsetu og landbúnað á sem flestum jörðum í eigu ríkis og kirkju. Lögð var sérstök áhersla á að við endurskoðunina skyldi hafa búsetuþróun í sveitum og styrkingu byggða til hliðsjónar en jafnframt þurfi skilmálar er varða ábúð að stuðla að áframhaldandi búrekstri.


Að lokum skal bent á að í kjölfar undirritunar búvörusamninga í upphafi árs 2016 ákváðu samningsaðilar að skipa starfshóp sem myndi fjalla um hvernig mætti treysta innviði og búsetu í sveitum. Starfshópurinn var skipaður 7. júní 2016 og skilaði í október sama ár skýrslu sem ber heitið „Innviðir og búseta í sveitum“. Í 5. kafla þeirrar skýrslu er fjallað um nýliðun og ábúendaskipti á jörðum. Þar segir m.a. að leggja þurfi áherslu á að búseta haldist á jörðum og að endurmeta þurfi að því leyti stefnu á sviði jarðamála ríkisins.

Tryggja þurfi að ríkisjarðir geti staðið undir nútímalandbúnaði og að greitt sé fyrir ábúendaskiptum. Einnig eru þar lagðar til fleiri leiðir sem ætlað er að stuðla að nýliðun og ábúendaskiptum á jörðum. Bændasamtökin leggja til að við mótun eigendastefnunnar verði sérstaklega litið til þessa sjónarmiðs og annarra leiða sem lagðar eru til í skýrslunni

Með vísan til framangreinds styðja samtökin eindregið að tillagan verði samþykkt.

Virðingarfyllst

f.h. Bændasamtaka Íslands



Guðrún Vaka Steingrimsdóttir

23.6.2017

Hjálögð er bókun Bæjarstjórnar Fljótsdalshéraðs frá fundi hennar 21. Júní 2017, vegan framangreindrar umsagnar.

M.kv. Stefán Bragason.

**201706081 - Tillaga til þingsályktunar um mótun eigendastefnu ríkisins fyrir bújarðir**

Lagt fram þingskjal 547 / 414. mál um mótun eigendastefnu ríkisins fyrir bújarðir.

Eftirfarandi tillaga lögð fram:

Með vísan til fyrri bókana bæjarstjórnar varðandi málefni ríkisjarða (15. júní 2016 og 19. apríl 2017) tekur bæjarráð undir þær áherslur er fram koma í framlagðri þingsályktunartillögu um mótun eigendastefnu ríkisins fyrir bújarðir.

Samþykkt samhljóða með handauppréttingu.

Alþingi 18.7.2017

Málsnr.: 1704023

Málalykill: 0.34.4



ÍSAFJARÐARBÆR

Hafnarstræti 1 | 400 Ísafjörður  
S: 450 8000 | Fax: 450 8008 | www.isafjordur.is

Alþingi  
Kirkjustræti  
150 Reykjavík

Ísafjörður, 13. júlí 2017  
2017020032

**Efni : Frumvörp og þingsályktunartillögur til umsagnar 2017**

Á 480. fundi skipulags- og mannvirkjanefndar þann 12.07.2017 var eftirfarandi erindi tekið fyrir:

Lagður fram tölvupóstur Kristjönu Benediktsdóttur, f.h. nefndasviðs Alþingis, dagsettur 16. júní sl., þar sem Ísafjarðarbæ er send til umsagnar tillaga til þingsályktunar um mótun eigendastefnu ríkisins fyrir bújarðir, 414. mál. Umsagnarfrestur er til 15. ágúst nk.

Bæjarráð tók erindið fyrir á 979. fundi sínum, 26. júní sl., og vísaði því til skipulags- og mannvirkjanefndar.

Bókun nefndarinnar:

*Skipulags- og mannvirkjanefnd gerir ekki athugasemdir.*

Þetta tilkynnist hér með.

Virðingarfyllst,

  
Axel Rodríguez Överby  
- skipulags- og byggingarfulltrúi -  




Nefndasvið Alþingis  
Atvinnuveganefnd Alþingis  
Austurstræti 8-10  
150 Reykjavík

Gunnarsholti, 14. ágúst 2017

**Efni: Tillaga til þingsályktunar um mótun eigendastefnu ríkisins fyrir bújarðir, 414. mál.**

Með rafbréfi, dags. 14. júní 2017, óskaði Atvinnuveganefnd Alþingis eftir athugasemdum Landgræðslu ríkisins vegna tillögu til þingsályktunar um mótun eigendastefnu ríkisins fyrir bújarðir.

Landgræðsla ríkisins starfar eftir lögum um landgræðslu nr. 17/1965. Tilgangur laganna er í 1. gr. sagður vera að koma í veg fyrir eyðingu gróðurs og jarðvegs og að græða upp eydd og vangróin lönd. Samkvæmt 2. gr. laganna greinist starfsemin í a) sandgræðslu, b) gróðurvernd og c) gróðureftirlit.

Í ljósi þess tilgangs laga um landgræðslu að vinna að uppgræðslu lands og gróðurvernd hefur stofnunin í sinni umsjá þónokkrar ríkisjarðir og/eða einstaka hluta þeirra. Ástand gróðurs og jarðvegs á þessum jörðum er oft ákaflega slæmt. Verkefni það að koma ástandi þeirra í viðunandi ástand er því oftast en ekki bæði ærið og tímafrekt. Landgræðsla ríkisins telur þó að ríkisjörðum/spildum sem þannig er ástatt um sé hvergi betur komið en hjá þeirri stofnun sem ætlað er að vinna að endurreisn fyrri vistkerfa og/eða uppgræðslu, a.m.k. um sinn. Ríkið er þó eigandi mun fleiri jarða í slæmi ástandi en vistaðar eru hjá Landgræðslu ríkisins.

Aðgerða er þörf í loftslagsmálum og endurheimt votlendis er ein virkast aðgerðin til að draga úr losum gróðurhúsalofttegunda. Landgræðsla ríkisins hefur verið falið að halda utan um endurheimtina og ljóst er að möguleikar til endurheimtar eru víða fyrir hendi á ríkisjörðum, án þess að skerða góða ræktun sem þörf verður á í framtíðinni til að tryggja fæðuöryggi landsins.

Í ljósi ofangreinds og að teknu tilliti til fyrirliggjandi tillögu til þingsályktunar tekur Landgræðsla ríkisins heilshugar undir með flutningsmönnum hennar um nauðsyn þess að mótuð verði eigendastefna ríkisins í þessum málaflokk. Landgræðsla ríkisins telur reyndar að eigendastefnan verði að taka til allra jarða ríkisins en ekki einungis bújarða, eins og yfirskrift þingsályktunartillögunnar ber með sér, enda ljóst að allmargar jarðanna verða ekki nýttar sem hefðbundnar bújarðir, a.m.k. ekki í nánustu framtíð.

Í eigendastefnu þyrfti að horfa til fjölmargra þátta þegar framtíðaráform hverrar jarðar eru ákvörðuð eins og getið er í þingsályktunartillögunni. Einn þáttur í slíku mati hlýtur að byggja á jarðvegs- og gróðurfarslegu ástandi. Þannig ætti að koma til skoðunar í eigendastefnu að kapp yrði lagt á endurheimt og uppgræðslu einstakra jarða í eigu ríkisins, þar sem þess gerist þörf. Það kann að vera gert með beinum aðgerðum þess efnis, enda verði þá beðið með sölu eða þá a.m.k. að slík sala fari ekki fram nema með ströngum reglum/viðmiðunum um landnotkun.

Landgræðsla ríkisins telur að eigendastefna ríkisins fyrir jarðir þess sé nauðsynlegt framfaraskref og brýn nauðsyn sé að slík stefna komi fram hið fyrsta. Stofnunin lýsir sig reiðubúna til að koma að gerð og framkvæmd slíkrar stefnu.

Virðingarfyllst,  
f.h. Landgræðslu ríkisins

  
Árni Bragason landgræðslustjóri



## SEYÐISFJARÐARKAUPSTAÐUR

Kt. 560269-4559 – Sími: 470 2300 – Fax: 472 1588  
Pósthólf 15 – Hafnargata 44 – 710 Seyðisfjörður  
Netfang: [sfk@sfk.is](mailto:sfk@sfk.is) – Veffang: [www.seydisfjordur.is](http://www.seydisfjordur.is)

Seyðisfirði 29.júní. 2017

Alþingi  
bt. Atvinnuveganefndar Alþingis  
Alþingi við Austurvöll  
150 Reykjavík

Efni: Útskrift úr fundargerð 2399. fundar bæjarráðs Seyðisfjarðarkaupstaðar 20.06.2017.

Eftirfarandi fært til bókar:

Þriðjudaginn 20.06.17 kom bæjarráð Seyðisfjarðar saman til fundar á skrifstofu bæjarins að Hafnargötu 44. Fundurinn hófst kl. 09:00.

Mætt: Margrét Guðjónsdóttir, Elfa Hlín Pétursdóttir og Vilhjálmur Jónsson sem ritaði fundargerð.

### Dagskrá: Erindi

#### 2.4 Alþingi 16.06.17. Þingsályktunartillaga um mótun eigendastefnu ríkisins fyrir bújarðir, 414.mál.

*Bæjarráð tekur undir markmið og sjónarmið sem fram koma í framlagðri þingsályktunartillögu um mótun eigendastefnu ríkisins fyrir bújarðir.*

Ofangreind niðurstaða bæjarráðs Seyðisfjarðarkaupstaðar tilkynnist hér með.

Virðingarfyllt

  
Inga Þorvaldsdóttir

7.7.2017

Tilv.: Tillaga til þingsályktunar um mótun eigendastefnu ríkisins fyrir bújarðir, 146. löggjafarþing, 414. mál - þingskjal 547.

Umhverfisstofnun gerir ekki efnislegar athugasemdir við tillöguna til þingsályktunar. Þó bendir stofnunin á að rétt væri að hafa einnig samráð við Ríkiseignir og Landsamtök landeigenda við mótun stefnunar.

Virðingarfyllt  
Ingibjörg Marta

**Bestu kveðjur, Best regards**  
Ingibjörg Marta Bjarnadóttir  
Sérfræðingur, Advisor  
Svið samþættingar, Department of Integration